

“Ym mhob peth a thrwy bob peth”


Gras



Cymun Bendigaid ar Gân

Dydd y Dyrchafael

29 Mai 2022 am 9.15am



Cadeirlan
Deiniol Sant
ym Mangor

Saint Deiniol's
Cathedral
in Bangor



Croeso i Gadeirlan Deiniol Sant ym Mangor.



Rydych chi'n sefyll rwan
lle safodd Deiniol bron i
fileniwm a hanner yn ôl.

Yma, yn y flwyddyn
525, bu iddo gynnwll o'i
gwmpas gymuned lawn
ffydd, gobaith a chariad,
gan godi o'i chwmpas
ffens gyll—y **bangor**
gwreiddiol—iddi'n gysgod
ac yn noddfa.

Ein gweddi yw y cewch
chwithau, hefyd, eich
cofleidio yma gan yr un
ffydd, gobaith a chariad
a gyhoeddir gennym
heddiw ac sy'n ein
cyfareddu o hyd.

Yn Cymun hwn...

Yn y Cymun hwn byddwn yn cwrdd â
Christ mewn bara a gwin, ei Gorff a'i
Waed ef gyda ni.

1 Wrth inni ymgynnull, byddwn
yn paratoi ein hunain i gwrdd â
Christ trwy gyffesu ein pechodau
— y ffyrdd yr ydym wedi galaru Duw
yn ein bywydau — ac yn derbyn
gollyngdod, sef sicrwydd o faddeuant
Duw.

2 Yna rydyn ni'n gwrando ar
ddarlleniadau o'r Beibl, gan
ganfod yno arweiniad, her,
cysur a newydd da gan Dduw.
Ymatebwn trwy gyhoeddi ein ffydd
yn y Drindod Sanctaidd a chynnig i
Dduw ein gweddi dros bawb mewn
angen.

3 Yn galon i'n haddoliad heddiw,
byddwn yn cymryd bara a gwin,
byddwn yn gofyn am fendith
gweddnewidiol Duw arnynt, yn torri'r
bara, ac — fel aelodau o Gorff toredig,
trwsiedig Crist — byddwn yn Cymuno.

4 Daw ein haddoliad i ben wrth
inni dderbyn bendith Duw, yn
gynhaliaeth inni wrth ymadael.

Waeth pa mor bell yn ôl y
gwnaethoch hynny ddiwethaf, mae
croeso i chi Gymuno yma heddiw. Os
hoffech chi Gymuno am y tro cyntaf,
neu gael eich Bedyddio, siaradwch ag
aelod o dîm yr Gadeirlan.

Ceir ffydd, gobaith a chariad yma i
bawb.

Addoli gyda ni heddiw

Mae'r llyfryn hwn yn cynnwys popeth a ddywedir ac a genir yn ystod ein haddoliad heddiw. Fe'ch gwahoddir i fynd â'r llyfryn adref gyda chi, i fyfyrion yn eich amser eich hun ar y geiriau sanctaidd sydd ynddo. Fodd bynnag, nid darllen neu arsylwi ydi addoli – ond gweithgaredd, a ninnau'n cymryd rhan, ochr yn ochr â'r rhai sy'n cynnull gyda ni ac, y tu hwnt i hynny, ochr yn ochr â llu'r nef i gyd. Dyrchefwch, felly, eich llygaid; sylwch ar liw, golau, sain, symudiad a harddwch; codwch eich llais; cyfranogwch yn yr hyn a fydd yn eich gweddnewid, o roi iddo'r cyfle.

Yn ystod ein haddoliad, rydyn ni'n dweud ac yn canu gyda'n gilydd y testun **mewn teip trwm**. Darperir cyfieithiadau o ieithoedd tramor. Mae croeso ichi wneud arwydd o'r Groes pan fydd y geiriau wedi'u marcio ag ✕. Cynigir cyfarwyddiadau eraill (rhuddellau) **mewn teip gwyrdd**; os ydych chi'n ei chael hi'n fwy cyfforddus, eisteddwch yn hytrach na sefyll neu benlinio.

Hygyrchedd

Mae dolen glyw ar waith – gosodwch gymhorthion clyw i'r lleoliad T.

Mae copïau print bras o'r llyfryn hwn ar gael gan y stiwardiaid.

Os oes angen waffer heb glwten arnoch (yn cydymffurfio â'r gofyniad canonaidd am 20 rhan o glwten fesul miliwn), rhwch wybod i stiward.

Mae tai bach ym mhen dwyreiniol y Gadeirlan, trwy'r drws i'r chwith o'r sgrin y Cwîr.

Os bydd angen i ni adael y Gadeirlan mewn argyfwng, arhoswch ar eich heistedd a dilynwch gyfarwyddiadau'r stiwardiaid.

Plant a theuluoedd ifanc

Ceir gweithgareddau a chrefftau yn ystod y Cymun Bendigaid ar Gân bob dydd Sul yng Nghapel Mair, ar gyfer unrhyw blant hyd at 11 oed. Mae'r crefftau a'r gweithgareddau yn amrywiol, gydag o leiaf un yn ymwneud â thema'r Cymun ei hun. Caiff y gofod hwn yn cael ei staffio gan oedolion cyfrifol, a bydd plant dros 5 oed yn gallu mynd a dod. Bydd plant yn parhau i fod yn gyfrifoldeb eu rhieni neu eu gwarcheidwaid bob amser. Yn y lle cyntaf, dylai plant sy'n 4 oed ac iau fod yng nghwmni rhiant neu warcheidwad oni bai bod trefniant ymlaen llaw gyda'r rhai ar ddyletswydd wedi'i wneud.

O'r Ddarllenfa a Buchedd Bangor

Pob wythnos, anfonir ebost **O'r Ddarllenfa** at danysgrifwyr gyda hysbysiadau ynghyd â delweddau wythnosol o fywyd y Gadeirlan a'r Ardal Weinidogaeth. Os nad ydych chi eisoes yn danysgrifiwr, dilynwch y cod QR, neu ewch i **cadeirlan.eglwysyngnghymru.org.uk/Darllenfa/**

Buchedd Bangor yw ein cylchgrawn newydd, gan gynnig cymysgedd o ddefnydd ysbrydol a gwybodaeth ymarferol am ein bywyd ar y cyd. Mynnwch gopi heddiw, neu ddilynwch y cod QR i ddarllen arlein.

Buchedd Bangor



O'r Ddarllenfa From the Lectern



Trefn y gwasanaeth



Wedi'r hysbysiadau, codwn ar ein traed ar ganiad y gloch



Cynnull

Emyn



Henffych i enw Iesu gwiw,
syrthied o'i flaen angylion Duw;
rhowch iddo'r parch, holl dyrfa'r nef:
yn Arglwydd pawb coronwch ef.

Chwychwi a brynwyd trwy ei waed,
plygwch yn isel wrth ei draed;
fe'ch tynnodd â thrugaredd gref:
yn Arglwydd pawb coronwch ef.

Boed i bob llwyth a phob rhyw iaith,
trwy holl derfynau'r ddaear faith,
gydganu'n llafar iawn eu llef:
yn Arglwydd pawb coronwch ef.



**Er bod ein beiau'n aml iawn,
mae ganddo iachawdwriaeth lawn;
ein cannu'n wyn wna brenin nef:
yn Arglwydd pawb coronwch ef.**

Geiriau

Edward Perronet (1726-1792)

Cyfieithiad

William Griffiths (1777-1825); Titus Lewis (1773-1811)

Cerddoriaeth | "Yr Hen Ganfed"

Louis Bourgeois (c.1510-1559)

Parhawn ar ein traed tan ddechrau'r Gloria in excelsis Deo

Cyfarchiad

✠ Yn enw'r Tad, a'r Mab, a'r Ysbryd Glân.

Amen.

Gras a thangnefedd a fo gyda chwi.

A'th gadw di yng nghariad Crist.

Haleliwia! Atgyfododd Crist.

Atgyfododd yn wir. Haleliwia!

"Darostyngodd Duw bob peth dan draed Crist, a rhoddodd ef yn ben ar bob peth i'r Eglwys; yr Eglwys hon yw ei gorff ef, a chyflawniad yr hwn sy'n cael ei gyflawni ym mhob peth a thrwy bob peth."

Cyffes

Gan gynnull i ddathlu'r Cymun Bendigaid er gogoniant i Dduw,
ymbaratown gan gyffesu ein pechodau,

ni sydd angen gras dolurus, iachaus Duw i'n gwneud yn gyfan;

ni sydd angen cariad dadlennol, darbwyllol Duw i buro ein
hanghyfiawnder;

ni sydd angen presenoldeb bywiol, gwaredol Duw i drigo ynom
a'n rhyddhau.

Cyd-weddiwn.

**Dad nefol,
yr ydym wedi pechu ar feddwl, gair a gweithred,
a heb wneud yr hyn a ddylem.
Mae'n wir ddrwg gennym,
ac yr ydym o ddifrif yn edifarhau.
Er mwyn dy Fab Iesu Grist a fu farw drosom,
maddeua inni'r cwbl a aeth heibio
ac arwain ni yn ei ffordd ef
i gerdded fel plant y goleuni.
Amen.**

Yr hollalluog Dduw a drugarhao wrthych,
✠ maddau ichwi a'ch rhyddhau o bechod,
a'ch cadw yn y bywyd tragwyddol.
Amen.

Gloria in Excelsis Deo

Gogoniant yn y goruchaf i Dduw,

Eisteddwn

Ac ar y ddaear tangnefedd i'r rhai sydd wrth ei fodd. Moliannwn di, bendithiwn di, addolwn di, gogoneddwn di, diolchwn i ti am dy fawr ogoniant. Arglwydd Dduw, Frenin nefol, Dduw Dad Hollalluog. O Arglwydd, yr Unig Fab, Iesu Grist; O Arglwydd Dduw, Oen Duw, Fab y Tad, sy'n dwyn ymaith bechod y byd, trugarha wrthym; tydi sy'n eistedd ar ddeheulaw Duw Dad, derbyn ein gweddi. Oherwydd ti yn unig sy'n Sanctaidd; ti yn unig yw'r Arglwydd; ti yn unig, O Grist, gyda'r Ysbryd Glân, sydd Oruchaf yng ngogoniant Duw Dad. Amen.

Cerddoriaeth

Offeren Glyn Rhosyn, Meirion Wynn Jones

Codwn ar ein traed gyda'r offeiriad ar derfyn y Gloria in excelsis Deo

Gweddi Gasgl

Gweddiwn.

Hollalluog Dduw, erfyniwn arnat ganiatáu, megis yr ydym yn credu i'th uniganedig Fab esgyn i'r nef, felly fod i ninnau ym meddylfryd ein calon ymddyrchafael yno, a thrigo'n wastad gydag ef, sy'n byw ac yn teyrnasu gyda thi a'r Ysbryd Glân, yn un Duw, yn oes oesoedd.

Amen.

Eisteddwn

Gair

Salmyddiaeth



Y Dyrchwch, byrth, eich pennau'n uchel, ddorau bythol, dyrchwch chwi!

R Dyrchwch, byrth, eich pennau'n uchel, ddorau bythol, dyrchwch chwi!

Eiddo'r Sanctaidd Un yw'r ddaear a'i llawnder, y byd a'r rhai sy'n byw ynddo; oherwydd y Bythol Un a'i sylfaenodd ar y moroedd a'i sefydlu ar yr afonydd.

Pwy yw'r Un sy'n teyrnasu mewn gogoniant? Y Bythol Un, cryf a chadarn, y Bywiol Un, cadarn mewn rhyfel. Pwy yw'r brenin gogoniant hwn? Duw y Lluedd, y Sanctaidd Un sy'n teyrnasu mewn gogoniant.

R Dyrchwch, byrth, eich pennau'n uchel, ddorau bythol, dyrchwch chwi!

Pwy a esgyn i fynydd y Bywiol Un a phwy a saif yn mannau sanctaidd? Y glân eu dwylo a'r pur o galon, y rhai sydd heb osod eu meddwl ar dwyll a heb dyngu'n gelwyddog.

Fe dderbyniant fendith gan y Sanctaidd Un a chyfiawnder gan Dduw eu hiachawdwriaeth. Dyma'r genhedlaeth sy'n ei geisio, sy'n ceisio wyneb Duw Jacob.

R̥ Dyrchwch, byrth, eich pennau'n uchel, ddorau bythol, dyrchwch chwi!

Salm 24
Cerddoriaeth
Simon Ogdon

Darlleniad

Darlleniad o Lyfr Paul at yr Effesiaid.

Garedigion: Am hynny, o'r pryd y clywais am y ffydd sydd gennych yn Iesu, Sanct Duw, ac am eich cariad tuag at yr holl saint, nid wyf fi wedi peidio â diolch amdanoch, gan eich galw i gof yn fy ngweddïau. A'm gweddi yw, ar i Dduw ein Gwardwr Iesu Grist, Tad y gogoniant, roi i chwi, yn eich adnabyddiaeth ohono ef, yr Ysbryd sy'n rhoi doethineb a datguddiad. Bydded iddo oleuo llygaid eich deall, a'ch dwyn i wybod beth yw'r gobaith sy'n ymhlyg yn ei alwad, beth yw cyfoeth y gogoniant sydd ar gael yn yr etifeddiaeth y mae'n ei rhoi i chwi ymhlith y saint, a beth yw aruthrol fawredd y gallu sydd ganddo o'n plaid ni sy'n credu, y grymuster hwnnw a gyflawnodd yng ngrym ei nerth yng Nghrist pan gyfododd ef oddi wrth y meirw, a'i osod i eistedd ar ei ddeheulaw yn y nefolion leoedd, ymhell uwchlaw pob tywysogaeth ac awdurdod a gallu ac Arglwyddiaeth, a phob teitl a geir, nid yn unig yn yr oes bresennol, ond hefyd yn yr oes sydd i ddod. Darostyngodd Duw, Tad y gogoniant, bob peth dan ei draed ef, a rhoddodd ef yn ben ar bob peth i'r Eglwys; yr Eglwys hon yw ei gorff ef, a chyflawniad yr hwn sy'n cael ei gyflawni ym mhob peth a thrwy bob peth.

Clywch air bywyd i'n byd.

Diolch a fo i Dduw.

Effesiaid 1:15-23

Efengyl



Y Haleliwia. Haleliwia. Haleliwia. R Haleliwia. Haleliwia.

Haleliwia. Y Ewch, gan hynny, a gwnewch ddisgyblion o'r holl genhedloedd; yr wyf fi gyda chwi bob amser hyd ddiwedd amser. R Haleliwia. Haleliwia. Haleliwia.

Gras a thangnefedd a fo gyda chwi.

A'th gadw di yng nghariad Crist.

Gwrandewch yr Efengyl Sanctaidd yn ôl ✠ Sant Luc.

Gogoniant i ti, O Grist.

Bryd hynny: Bryd hynny: Meddai Iesu wrth ei ddisgyblion, "Dyma ystyr fy ngeiriau a leferais wrthych pan oeddwn eto gyda chwi: ei bod yn rhaid i bob peth gael ei gyflawni sy'n ysgrifenedig amdanaf yng Nghyfraith Moses a'r proffwydi a'r salmau." Yna agorodd eu meddyliau, iddynt ddeall yr Ysgrythurau. Meddai wrthynt, "Fel hyn y mae'n ysgrifenedig: fod y Meseia i ddioddef, ac i atgyfodi oddi wrth y meirw ar y trydydd dydd, a bod edifeirwch, yn foddion maddeuant pechodau, i'w gyhoeddi yn ei enw ef i'r holl genhedloedd, gan ddechrau yng Nghaersalem. Chwi yw'r tystion i'r pethau hyn. Ac yn awr yr wyf fi'n anfon arnoch yr hyn a addawodd fy Nhada; chwithau, arhoswch yn y ddinas nes eich gwisgo chwi oddi uchod â nerth." Aeth â hwy allan i gyffiniau Bethania. Yna cododd ei ddwylo a'u bendithio. Wrth iddo'u bendithio, fe ymadawodd â hwy ac fe'i dygwyd i fyny i'r nef. Wedi iddynt ei addoli ar eu gliniau, dychwelsant yn llawen iawn i Gaersalem. Ac yr oeddent yn y deml yn ddi-baid, yn bendithio Duw.

Dyma Efengyl ein Gwardwr.

Moliant i ti, O Grist.

Luc 24:44-53

Eisteddwn ar gychwyn y bregeth

Pregeth yn y gyfres “Onid oedd ein calonnau ar dân ynom?”
“Ym mhob peth a thrwy bob peth” | Gras

Y Canon dros Fywyd Cynulledifaol

Ar derfyn y bregeth, codwn ar ein traed

Credo

Ar y cyd, gadewch inni gadarnhau ein ffydd.

**Yr wyf yn credu ac yn ymddiried yn Nuw Dad,
a greodd bopeth sydd.**

**Yr wyf yn credu ac yn ymddiried yn ei Fab Iesu Grist,
a brynodd ddynolryw.**

**Yr wyf yn credu ac yn ymddiried yn ei Ysbryd Glân,
sy’n rhoi bywyd i bobl Dduw.**

**Yr wyf yn credu ac yn ymddiried yn un Duw,
✠ Dad, Mab ac Ysbryd Glân.
Amen.**

Eisteddwn

Cyflwyno'r Wenwisg a dyfarnu Medalau

Cyflwyno'r Wenwisg

Caiff yr un sydd i dderbyn y Wenwisg ei dwyn ymlaen gan y Cyfarwyddwr Cerdd a Phennaeth Datblygu'r Côr, a'u cyflwyno gan y Cyfarwyddwr Cerdd

Bobl Cadeirlan Deiniol Sant, cyflwynaf i chi Amelia, sydd wedi cwblhau ei chyfnod prawf ac sydd bellach yn barod i gael ei derbyn fel Corydd yng Nghôr ein Cadeirlan.

Amelia, wyt ti am fod yn un o Goryddion Côr y Gadeirlan hon?
Ydw.

A wnei di feithrin dy ddoniau, a'u hoffrymu er gogoniant i Dduw?
Gwnaf.

Yng ngwasanaeth y fangre sanctaidd hon, a fyddi di'n barchus, yn ffyddlon ac yn weddigar?
Byddaf.

Gweddïwn.

Hollalluog Dduw, awdur pob rhyfeddod a hyfrydwch, a elwaist dy wasanaethyddion dros fôr y canrifoedd i ganu mawl i ti yn y fangre hon; tywallt roddion dy Ysbryd Glân ar dy wasanaethydd ger dy fron heddiw, gan lenwi ei chalon â'th gariad a'i genau â'th gân, fel y cyhoeddir dy ogoniant yn y ddinas hon a thrwy'r holl greadigaeth; yn Enw Sanctaidd Crist.

Amen.

Caiff y Wenwisg ei didoli gan Bennaeth Datblygu'r Côr

Amelia, ar ran Cabidwl a Phobl Cadeirlan Deiniol Sant, rwy'n dy dderbyn fel Corydd yng Nghôr y Gadeirlan. Bydded Duw, awdur nefoedd a daear, yn gynhaliaeth i ti o'r bryniau, fel y bo'th camre'n gadarn a'th ffyrdd yn union; a bendith Duw hollalluog, y Tad, ✠ y Mab, a'r Ysbryd Glân a fo arnat yn awr ac a drigo gyda thi yn wastad.

Amen.

Dyfarnu Medalau

Caiff y rhai i'w gwobrwyo eu dwyn ymlaen a'u cyflwyno gan y Cyfarwyddwr Cerdd

Barchedig Is-Ddeon, cyflwynaf Arianwen, Bronwyn, Camila, Finn, Goronwy a Mikey, sydd wedi teilyngu eu gwobrwyo am eu hymroddiad, eu medr a'u dealltwriaeth fel Coryddion yng Nghôr y Gadeirlan hon.

Arianwen, Bronwyn, Camila, Finn, Goronwy a Mikey, pleser yw dyfarnu Medalau i chwi yn arwydd o'ch teilyngdod a'ch cynnydd.

Caiff y medalau eu didoli

Gweddïwn.

O Dduw, y mae saint ac angylion yn ymhyfrydu d'addoli yn y nefoedd, bydd bresennol fyth â'th wasanaethyddion sydd, trwy gynghanedd a cherddoriaeth, yn perffeithio'r clodydd a offrymir gan dy greadigaeth is y rhod; a chaniatâ iddynt hyd yn oed yn awr gipolwg o'th wynfyd, a'u gwneud yn deilwng yn yr oes a ddaw o'u rhan ym moliant diderfyn dy dragwyddoldeb; yn Enw Sanctaidd Crist.

Amen.

Codwn ar ein traed



Yr hwn gan ing fu'n chwysu
y gwaed yn ddafnau mawr,
y gŵr fu gynt yn trengu ar Groes rhwng nef a llawr;
yr un fu gynt yn gorwedd yn fud mewn distaw fedd,
sydd heddiw ar yr orsedd mewn gogoneddus wedd.

Y t'wysog mawr gyfododd heb ofn na braw na brys,
adeiniog lu y nefoedd a'i dwg i mewn i'w lys.
Dyrchefwch byth, dyrchefwch! Agorwch, ddrysau draw!
A brenin y gogoniant i'w ddwyfol byrth a ddaw.

Nid preseb ac nid croesau, nid bedd na dirmyg mwy,
nid llefain cryf na dagrau, na chwys na chlais na chlwy';
gogoniant ar ogoniant, am ddiodef is y nef,
anrhydedd ac addoliant byth roddir iddo ef.

Geiriau

Robert Roberts (1774-1849)

Cerddoriaeth | "Pen yr Yrfa"

William James (1877-1964)

Parhawn ar ein traed tan y rhannwn y Tangnefedd

Offrwm

Deuwn i'r fangre hon â'r bara sy'n gynhaliaeth.

Fe ddaw inni'n fara'r bywyd.

Deuwn i'r fangre hon â'r gwin sy'n mwyneiddio.

Fe ddaw inni'n waed einioes y byd.

Gweddi Ewcharistaidd

Gras a thangnefedd a fo gyda chwi.

A'th gadw di yng nghariad Crist.

Dyrchefwch eich calonnau.

Yr ydym yn eu dyrchafu at yr Arglwydd.

Diolchwn i'r Arglwydd ein Duw.

lawn yw rhoi ein diolch a'n clod.

lawn yn wir, ein dyletswydd a'n llawenydd bob amser ac ym mhob lle, yw diolch i ti, Dad Sanctaidd, hollalluog a bythfywiol Dduw, trwy Iesu Grist ein Harglwydd.

A ymddangosodd, ar ôl ei atgyfodiad, i'w Apostolion, ac esgyn yn eu gwydd i ogoniant i ddarparu lle i ni, fel, yn y lle y mae ef, y byddwn ninnau hefyd.

Felly, gyda llu'r angylion a holl gwmpeini'r nef, cyhoeddwn ogoniant dy enw ac ymuno â hwy yn eu hemyn diderfyn o fawl:

Sanctaidd, sanctaidd, sanctaidd Arglwydd, Duw gallu a nerth, nef a daear sy'n llawn o'th ogoniant. Hosanna yn y goruchaf.

✠ Bendigedig yw'r hwn sy'n dyfod yn enw'r Arglwydd. Hosanna yn y goruchaf.

Cerddoriaeth

Offeren Fer "Capel Brenhinol", Anthony Caesar (1924-2018)

Pob moliant a diolch i ti, y gwir a'r bywiol Dduw, Crëwr pob peth, Rhoddwr bywyd. Lluniaist ni ar dy ddelw dy hun, ond yr ydym ni wedi difwyno'r ddelw honno a syrthio'n brin o'th ogoniant. Rhoddwn ddiolch i ti am anfon dy Fab i rannu ein bywyd ni; fe'i hildiaist i farwolaeth fel y câ'r byd ei achub, a'i atgyfodi oddi wrth y meirw fel y bo i ni fyw ynddo ef, ac yntau ynom ninnau.

Sancteiddia â'th Ysbryd y bara hwn a'r gwin hwn, dy roddion inni, fel y bônt i ni yn gorff a gwaed ein Hiachawdwr, Iesu Grist.

Y nos y bradychwyd ef, cymerodd fara ac, wedi rhoi diolch, fe'i torrodd a'i roi i'w ddisgyblion, gan ddweud, Cymerwch, bwyteuach; hwn yw fy nghorff a roddir drosoch: gwnewch hyn er cof amdanaf. ✠

Yr un modd ar ôl swper cymerodd y cwpan, ac, wedi rhoi diolch, fe'i rhoddodd iddynt, gan ddweud, Yfwch o hwn bawb, oherwydd hwn yw fy ngwaed o'r cyfamod newydd a dywelltir drosoch a thros lawer er maddeuant pechodau: gwnewch hyn bob tro yr yfwch ef er cof amdanaf. ✠

Cyhoeddwn ddirgeledd y ffydd.

Bu farw Crist.

Atgyfododd Crist.

Daw Crist mewn gogoniant.

Fel y gorchmynnodd ef inni, O Dad, yr ydym yn cofio Iesu Grist, dy Fab. Gan gyhoeddi ei farwolaeth fuddugoliaethus, a chan ymlawenhau yn ei atgyfodiad, a disgwyl iddo ddod mewn gogoniant, deawn â'r bara hwn a'r cwpan hwn i ti. Derbyn ein haberth o ddiolch a moliant.

Adfer ac adfywia dy holl bobl, adnewyddu ni a phawb y gweddïwn trostytnt â'th ras a'th ✠ fendith nefol a derbyn ni yn y diwedd gyda'th holl saint i'r llawenydd diderfyn hwnnw a addawyd inni gan dy Fab, ein Harglwydd Iesu Grist.

Trwyddo ef, gydag ef, ynddo ef, yn undod yr Ysbryd Glân, eiddot ti, Dad hollalluog, yw pob anrhydedd a gogoniant, yn oes oesoedd.

✠ **Amen.**

Parhawn ar ein traed

Gweddï'r Arglwydd

Fel y dysgodd ein Hiachawdwr ni, gweddïwn yn hyderus:

Ein Tad, yr hwn wyt yn y nefoedd, sancteiddier dy enw, deled dy deyrnas, gwneler dy ewyllys; megis yn y nef, felly ar y ddaear hefyd. Dyro i ni heddiw ein bara beunyddiol a maddau i ni ein dyledion, fel y maddeuwn ninnau i'n dyledwyr. Ac nac arwain ni i brofedigaeth; eithr gwared ni rhag drwg. Canys eiddot ti yw'r deyrnas, a'r gallu, a'r gogoniant, yn oes oesoedd. **Amen.**

Tangnefedd

Dy gorff atgyfodedig yn ein plith adwaenir yn nhorriad y bara;
dy glwyfau gogoneddus, o ba le y llifodd gwaed, yn nodau dy
gariad; dy eiriau inni o dangnefedd yn gryfach nag angau.

Tangnefedd y Bythol Dduw a fo gyda chwi bob amser.

A'th gadw di yng nghariad Crist.

Rhannwn arwydd o Dangnefedd.

Rhannwn arwydd o Dangnefedd; yna penliniwn neu eisteddwn

Torri

Oen Duw, sy'n dwyn ymaith bechodau'r byd: trugarha wrthym.
Oen Duw, sy'n dwyn ymaith bechodau'r byd: trugarha wrthym.
Oen Duw, sy'n dwyn ymaith bechodau'r byd: dyro inni dy
dangnefedd.

Cerddoriaeth

Offeren Fer "Capel Brenhinol", Anthony Caesar (1924-2018)

Cymuno

✠ Haleliwia. Crist, ein Pasg, a aberthwyd drosom.

Felly, boed inni ddathlu'r ŵyl. Haleliwia.

Deuwn i Gymuno, gan ddilyn cyfarwyddyd y Stiwardiaid, o'r Afrlladen Sagrafennol
ac, os y dymunwn, o'r Gwerthfawr Waed

Motét

Ascendit Deus in jubilatione, et Dominus in voce tubae, Alleluia.
Dominus in caelo paravit sedem suam, Alleluia.

Cyfieithiad

*Esgynnodd Duw gyda bloedd, y Sanctiadd
Un gyda sain utgorn, Haleliwia. Gosododd y
Sanctaid Un ei orsedd yn y nefoedd, Haleliwia.*

Geiriau

Salmau 47:5; 103:19

Cerddoriaeth

Peter Philips (c.1560-1628)

Ar ôl i bawb Gymuno, safwn i ganu'r emyn

Emyn



Cydlawenhawn, cyfododd Crist o'i fedd,
ac ar ein daear torrodd gwawr o heddi;
i'r lan y daeth, ac ni all farw mwy,
mae heddiw'n harddach am ei farwol glwy':
mae anfarwoldeb yn ei ŵyneb ef,
ac yn ei law awdurdod ucha'r nef.

Cydlawenhawn, fe ddaeth angylaid lu
i'w hebrwng adref i'w orseddfainc fry:
mewn cwmwl gwyn yr aeth o olwg byd,
ond cofio mae am Galfari o hyd:
cans ar ein hachub mae ei feddwl ef,
a'n hachub ninnau ydyw gwaith y nef.

Cydlawenhawn, y mae i ninnau waith
i gofio'i achos drwy y ddaear faith;
ac wedi byw i brofi gallu'r groes
cawn weld ei annwyl wedd ar ddiwedd oes:
mewn gwynfyd pur cawn ganu "Iddo ef!"
a diolch daear fydd yn llanw'r nef.

Geiriau

Elfed (Howell Elvet Lewis, 1860-1953)

Cerddoriaeth | "Finlandia"

Jean Sibelius (1865-1957)

Parhawn ar ein traed

Ymadael

Diffodd Cannwyll y Pasg

Gweddïwn.

O Dduw, Brenin y gogoniant, dyrchefaist dy unig Fab Iesu Grist â buddugoliaeth fawr i'th deyrnas yn y nefoedd: erfyniwn arnat beidio â'n gadael yn ddigysur, ond anfon dy Ysbryd Glân i'n nerthu ni a'n dyrchafu i'r fan lle'r aeth ein Hiachawdwr Crist o'n blaen, yr hwn sy'n fyw ac yn teyrnasu gyda thi a'r Ysbryd Glân, yn un Duw, yn awr ac am byth.

Amen.

Bendith a Gollyngdod

Gras a thangnefedd a fo gyda chwi.

A'th gadw di yng nghariad Crist.

Bydded i Grist ein Brenin dyrchafedig dywallt arnoch ei roddion helaeth fel y gallwch ei wasanaethu ef a theyrnasu gydag ef yn ei ogoniant; a bendith Duw hollalluog, y Tad, ✠ y Mab, a'r Ysbryd Glân, a fo yn eich plith ac a drigo gyda chwi yn wastad.

Amen.

Awn ymaith mewn tangnefedd. Haleliwia. Haleliwia.

Yn Enw Crist. Haleliwia. Haleliwia.

Parhawn ar ein traed hyd nes i'r gweinidogion ymadael; yna eisteddwn neu ymadael

Offrymddarn ar yr organ

Heut' triumphet Gottes Sohn, Johann Sebastian Bach (1685-1750)

Gwahoddiad


**Mae Cabidwl Cadeirlan ac Eglwys Archesgobol
Deiniol Sant ym Mangor**

yn dymuno eich presenoldeb yn y Gosber ar Gân mewn
Diolchgarwch am Jiwbilî Platinwm Ei Mawrhydi Y Frenhines,
ym mhresenoldeb y Parchedigaŷ Archesgob Cymru ac
Arglwydd Raglaw Gwynedd Ei Mawrhydi

**Dydd Iau 2 Mehefin 2022
am 5.30pm
gyda Derbyniad Gwin i ddilyn**



Hysbys



Jiwbilî Platinwm Ei Mawrhydi Y Frenhines

Byddwn yn dathlu'r Jiwbilî Platinwm mewn nifer o ffyrdd yn y Gadeirlan.

Ddydd lau hwn, 2 Mehefin, o 2pm tan 4pm, bydd Te Parti'r Jiwbilî yng Nghorff yr Eglwys yn cynnwys cyfoeth o weithgareddau i blant, a chacen a phaned i bawb.

Am 5.30pm bnawn Lau, offrymir Gosber ar Gân â Diolchgarwch am y Jiwbilî, gydag Archesgob Cymru ac Arglwydd Raglaw Ei Mawrhydi yn bresennol. A hithau'n ddathliad cenedlaethol Brydeinig o bwys, da yw i ni yma gynnal y dathlu mewn gweddi ac addoliad, a da fyddai cynulledifa deilwng yn y gweddi a'r addoli hwnnw.

Ar ddydd Sadwrn 11 Mehefin am 7.30pm, mae Côr y Gadeirlan yn cyflwyno cyngerdd sy'n cynnwys gweithiau "brenhinol" gan Handel, Parry, Walton a Mathias. Mae manylion llawn ar dudalen 45 yn **Buchedd Bangor**.

Grant gan Ymddiriedolaeth Cerdd y Cadeirlannau

Rydym yn falch iawn ein bod wedi derbyn grant hael o £22,000 gan Ymddiriedolaeth Cerdd y Cadeirlannau at ddibenion datblygu ein gweinidogaeth gerdd Gymraeg yn y Gadeirlan. Bydd y grant yn cael ei ddefnyddio i gefnogi nifer o Ysgoloriaethau'r Gân yn ystod y

flwyddyn academaidd i ddod a fydd yn cyfuno canu corawl dwyieithog gyda gweithgareddau i gyfoethogi'n gweinidogaeth gerdd Gymraeg, gan gynnwys cynyddu arlwy gerddoriaeth Gymraeg y Côr, cynorthwyo'r di-Gymraeg gyda chanu a chyfathrebu yn Gymraeg, ac ymgysylltu ag allgymorth Cymraeg i ysgolion a sefydliadau cymunedol. Mae'n diolch yn fawr i bawb fu'n rhan o baratoi'r cais.

Lleisiau Plant dros Wcráin ac Expo Gwirfoddolwyr

Braf yr wythnos ddiwethaf oedd croesawu plant o ysgolion lleol, ynghyd â'u rhieni a'u hathrawon, i'r Gadeirlan i ganu yn ein cyngerdd codi arian i'r Wcráin. Hyfryd hefyd oedd gweld cymaint o elusennau lleol ac achosion da yn cael eu cynrychioli yn yr Expo Gwirfoddolwyr ddydd Sadwrn. Diolch yn fawr i bawb o dîm y Gadeirlan a gefnogodd y digwyddiadau hyn.

Cwmplin a Bendithiad y Sagrafen Fendigaid

Bu'n hoffrwm, am y tro cyntaf, o Gwmplin a Bendithiad y Sagrafen Fendigaid am 10.00pm nos Fercher yn llwyddiant. Da fyddai rhannu'r newyddion am y gwasanaeth hwn gyda'r rhai a fyddai'n werthfawrogi gwasanaeth fin nos myfyriol. Mae drysau'r Gadeirlan ar agor o 9.00pm.

Clas ar Zoom

Dydd Llun 6 Mehefin am 6.30pm

Mae'r dylunydd dodrefn o fri rhyngwladol, Luke Hughes, sy'n gweithio ar ddodrefn Corff yr Eglwys newydd ar gyfer y Gadeirlan, yn ymuno â ni i fyfyrion ar ei grefft aci sgwrsio am ein gynlluniau yn y Gadeirlan.

Datganiadau Paned

Pob dydd Iau

11.15am am 45 munud

Paned a chacen o 10.45am

2 Mehefin | Anastasia Zaponidou |

Soddgrwth

Mae Anastasia, myfyriwr o Brifysgol Bangor, yn cyflwyno rhaglen o weithiau soddgrwth rhamantaidd wrth i ni ddechrau ein dathliadau Jiwbilî Platinwm.

9 Mehefin | Francesca Hook |

Soprano

Mae Francesca ar hyn o bryd yn fyfyrwraig MA mewn Cerddoriaeth ac Addysg ym Mhrifysgol Bangor ac wedi canu gyda Chôr y Gadeirlan. Bydd yn cyflwyno datganiad o weithiau o'r llwyfan a'r sgrîn.

Yr wythnos

Monday | Dydd Llun

12.30pm Cymun | Eucharist

Dydd Mawrth | Gŵyl Gofwy Mair | Tuesday | The Festival of the Visitation

12.30pm Cymun | Eucharist

5.30pm Cymun Bendigaid ar Gân | Choral Holy Eucharist

Dydd Mercher | Wednesday

12.30pm Cymun | Eucharist

10.00pm Cwmplyn a Bendithiad y Sagrafen Fendigaid | Compline and Benediction of the Blessed Sacrament

Dydd Iau | Thursday

11.15am Datganiad Paned | Coffee-break Recital

12.30pm Cymun | Eucharist

5.30pm Gosber ar Gân â Diolchgarwch am Jiwbilî Platinwm Ei Mawrhydi Y Frenhines | Choral Evensong in Thanksgiving for Her Majesty The Queen's Platinum Jubilee

Dydd Gwener a dydd Sadwrn | Friday & Saturday

12.30pm Cymun | Eucharist

5 Mehefin | June | Sulgwyn | The Day of Pentecost

8.15am Holy Eucharist

9.15am Cymun Bendigaid ar Gân

Cymun Gwynedd, Cooper; Tyrd, Ysbryd Glan, Ogdon; Komm, heiliger Geist, Buxtehude

11.00am Choral Holy Eucharist

Short Communion Service, Batten; Come, Holy Ghost, Attwood; Fantasia Super Komm, heiliger Geist, J. S. Bach

3.30pm Gosber ar Gân | Choral Evensong

Ymatebion | Responses, Rose; Evening Service in D, Wood; The Spirit of the Lord, Elgar; Chorale Prelude: Down Ampney, Popplewell

Ein gweddi

Ein cymuned Angladdau John Vaughan Griffith ac Umberto Sicignano yr wythnos hon

Ein hesgobaeth Ardal Weinidogaeth Bro Enlli

Yn glâf Glenys Dore; Mark Roberts; Troy Eagleston; Joy Levine, offeiriad; Ann Elisabeth; Maureen Houlker; Dewi Jones

A fu farw'n ddiweddar John Vaughan Griffith, offeiriad; Umberto Sicignano; Angela Griffiths; Benedica Ward, lleian

Gŵyl goffa Thomas Paul Ward

Diogelu

Mae diogelu plant ac oedolion sydd mewn perygl yn hanfodol, ac rydym wedi ymrwmo i feithrin amgylchedd lle mae pawb yn gallu addoli a chymryd rhan ym mywyd Cadeirlan Deiniol Sant yn ddiogel. Os oes gennych unrhyw bryderon, codwch nhw ar unwaith gydag aelod o dîm y Gadeirlan.

Cynaliadwyedd a chaniatâd

Rydym yn defnyddio papur sydd wedi ei ailgylchu 100% a'i gynhyrchu â charbon deuocsid isel.

Caiff rhai o'n gwasanaethau'n eu ffrydio ar Facebook o gamera ym mhen dwyreiniol Corff yr Eglwys sy'n wynebu'r dwyrain, ac mae'r recordiad ar gael wedi hynny ar dudalen Facebook y Gadeirlan. Efallai y bydd ffotograffydd swyddogol ar ddyletswydd. Mae eich presenoldeb yn gyfystyr â'ch caniatâd i gael eich cynnwys mewn unrhyw ffilmio, tynnu lluniau, recordio sain neu ddarlledu. Os nad ydych am i ffotograff ohonoch chi neu blentyn yn eich gofal gael ei ddefnyddio gan y Gadeirlan, siaradwch ag aelod o dîm y Gadeirlan.

Cydabyddiaethau

Atgynhyrchir deunydd yn y drefn hon o wasanaeth o dan CLL 280874. Mae'r gwasanaeth hwn yn cynnwys rhannau o'r **Drefn ar gyfer y Cymun Bendigaidd 2004** hawlfraint © Gwasg yr Eglwys yng Nghymru 2004 Mae'r llithoedd a'r salmyddiaeth Gymraeg yn seiliedig ar **The New Revised Standard Version of the Bible** ac **Y Beibl Cymraeg Newydd: Argraffiad Diwygiedig**. Daw cytgan y salmyddiaeth Gymraeg o Nicander, **Y Psallwyr** (1850) a'r salmyddiaeth Saesneg o **The Saint Helena Breviary** (2019).

Mae delwedd y clawr yn fanylyn o eicon cyfoes gan Nikola Sarić.

Cadeirlan ac Eglwys Archesgobol

Deiniol Sant ym Mangor

The Cathedral & Metropolitan Church of Saint Deiniol in Bangor

Esgob ac Archesgob Cymru

Y Parchedigaf Andrew T. G. John

Bishop & Archbishop of Wales

The Most Revd Andrew T. G. John

Is-Ddeon | Sub-Dean

Canon Siôn B. E. Rhys Evans

sionrhys-evans@eglwysyngnghymru.org.uk

Canon dros Fwyd Cynulleidfaoel

Canon for Congregational Life

Canon Tracy Jones

tracyjones@eglwysyngnghymru.org.uk

Cyfarwyddwr Cerdd | Director of Music

Joe Cooper

joe-cooper@eglwysyngnghymru.org.uk

Organydd | Organist

Martin Brown

martinbrown@eglwysyngnghymru.org.uk

Gweinidog Teulu | Family Minister

Naomi Wood

naomiwood@eglwysyngnghymru.org.uk

Clerc y Cabidwl | Chapter Clerk

Robert Jones

robertjones@eglwysyngnghymru.org.uk

Cwstos | Custos

Simon Taylor

simontaylor@eglwysyngnghymru.org.uk

Trysorydd | Treasurer

Kelly Edwards

kellyedwards@eglwysyngnghymru.org.uk

Gweinyddwr Liturgi | Liturgy Administrator

Sam Jones

samjones@eglwysyngnghymru.org.uk

Rheolwr Prosiect Cadwraeth a Datblygu

Conservation & Development Project Manager

Simon Ogdon

simonogdon@eglwysyngnghymru.org.uk

Canon Secundus

Canon David Thomas Morris

davidmorris@eglwysyngnghymru.org.uk

Canon Emeritus | Canon Emeritus

Canon Angela Williams

Aelodau o Goleg Offeiriadol y Gadeirlan

Members of the Cathedral's College of Priests

Y Parchg Ddr | The Revd Dr John Prysor-Jones,

y Tra Pharchg Athro | the Very Revd Prof.

Gordon McPhate, y Parchg | the Revd Peter

Kaye

Darlleneydd | Reader

Elma Taylor

Pensaer y Gadeirlan | Cathedral Architect

Simon Malam

Rhif elusen | Charity number 1158340

Cefnogaeth

Caiff y fangre sanctaidd hon llawn ffydd, gobaith a chariad, a phopeth sy'n digwydd yma, ei chynnal gan eich haelioni chi.

1 I roi rhodd ar-lein ar eich ffôn heddiw, sganwch y cod QR isod.

2 Defnyddiwch ein peiriant rhoi digyswilt yng nghefn Corff yr Eglwys i dapio cerdyn neu ffôn.

Trwy roi rhodd, byddwch yn ein helpu i barhau â'n gwaith hanfodol.

